

«Hilol» журналиниң навбатдаги учинчи сони сотувда



16:00 / 21.06.2019 1337

Аллоҳ таолонинг одамзотга берган беҳисоб неъматларини эътироф этиш, уларга шукрона келтириш киши диёнатининг белгиларидан биридир.

Берилган неъматларга шукр қилиш фақат Аллоҳ таолони таниш, У яхши кўрадиган нарсаларни билиш билан камолига етади. Парвардигорини яхши танимаган банда Унинг неъматлари қадрига ҳам етмайди. Зоро, шукрнинг маъноси Аллоҳ неъматларини Ўзи яхши кўрадиган ва рози бўладиган жойларга ишлатишdir. Бунинг акси куфроналик, яъни неъматларни тарқ этиш ёки Аллоҳ ёмон кўрадиган ерларда фойдаланиш бўлади.

Ҳурматли журналхон, фазилатли шайх Мухаммад Содик Мухаммад Юсуф раҳимаҳуллоҳ бошлиған илмий-маърифий ишларнинг узвий давоми саналган «Hilol-nashr» нашриёт-матбаа мажмуаси муассислигига «Hilol» диний-маърифий, ижтимоий-адабий журналиниң шаввол ойига бағишланган навбатдаги учинчи сони чоп этилди. Журналнинг бу сони шукр ва унинг фазлига бағишланади.

Шаввол ойига бағишланган журналнинг учинчи сонида «Тафсир», «Хикмат», «Ҳадис шарҳи», «Нукта» «Яхшиликка чорлаш», «Фикҳ», «Ҳилол меҳмони», «Саҳобалар ҳаёти», «Адабиёт», «Синоат», «Одоб», «Муслималар саҳифаси», «Сиздан мактуб» каби ўндан ортиқ рукнлар ва мусулмонлар

ҳаётига оид кўплаб қизиқарли мақолалар эълон қилинган.

Жумладан, «Тарбия» рукни остида «Чиройли ҳулқа илк қадам», «Синоат» рукнида «Ашаддий ёлғончини танийсизми?», «Муслималар саҳифаси» рукни остида эса «Қиз фарзанд улуғ насибадир» сарлавҳали ҳаётимиз учун ибратли ва қизиқарли мақолалар ўрин олган.

Islom.uz портали таҳририяти